

**524. fundur Hreppsnefndar TálknafjarðarhreppsHreppsnefndar  
Tálknafjarðarhrepps haldinn Strandgötu 38, 14. maí 2018  
og hófst hann kl. 17:00.**

**Fundinn sátu:**

Indriði Indriðason (II), formaður, Eva Dögg Jóhannesdóttir (EDJ), aðalmaður, Jón Örn Pálsson (JÖP), aðalmaður, Ásgeir Jónsson (ÁJ), Aðalmaður og Berglind Eir Egilsdóttir (BEE), varamaður.

**Fundargerð ritaði:** Indriði Indriðason, Sveitastjóri

Oddviti bauð fundarmenn velkomna. ekki var gerð athugasemd við fundarboð.

**Dagskrá:**

**1. Byggingar-,skipulags- og umhverfisnefnd - 33 - 1805002F**

*Tekin er til afgreiðslu fundargerð 33. fundar Byggingar-,skipulags- og umhverfisnefndar frá 11. maí. Fundargerðin er í þremur liðum.*

*Eru liðir 1-2 og 1-3 teknir til afgreiðslu.  
Að öðru leyti er fundargerðin staðfest  
Samþykkt samhljóða*

**1.1 1805003 - Byggingarmál almennt**

Sveitarstjórn staðfestir afgreiðslu Byggingar-,skipulags og umhverfisnefndar.

**1.2 1712032 - Deiliskipulag. Lóð undir fiskeldi og seiðisstöð.**

Sveitarstjórn staðfestir afgreiðslu Byggingar-,skipulags og umhverfisnefndar.  
Samþykkt samhljóða.

**1.3 1805026 - Umsagnarbeiðni, Móatún 8.**

Sveitarstjórn staðfestir afgreiðslu Byggingar-,skipulags og umhverfisnefndar.  
Samþykkt samhljóða.

**2. Fræðslu-,menningar-,íþróttu-, æskulýðsnefnd - 20 - 1804002F**

*Tekin er til afgreiðslu fundargerð 20. fundar Fræðslu-,menningar-,íþróttu- og æskulýðsnefndar frá 4 maí. Fundargerðin er í fimm liðum.  
Fundargerðin er staðfest.  
Samþykkt samhljóða.*

**2.1 1612003 - Reglur Tálknafjarðarhrepps um foreldragreiðslur vegna gæslu barns hjá öðrum en dagforeldrum.**

## 2.2 1803018 - Ytra mat: Grunnskólans lokaskýrsla og kynningarglærur.

### 2.3 1703003 - Upplýsingagjöf; Skólastjóra.

Önnin er langt liðin og hefur verið nokkuð hefðbundin. Gengið hefur vel með sérkennslu nemenda en í dag eru þrír nemendur í talþjálfun hjá Tröppu í gegn um fjarfundarbúnað.

En Trappa sér um talþjálfun víða á landinu á minni stöðum og sinnir nú t.d. þjónustu við flesta/alla? skóla á Vestfjörðum.

Hefðbundin skimunarpróf hafa farið fram í 3. og 4. bekk.

Gestakennari kom nýlega og var með hönnunarsmiðju fyrir unglíngakjarna. Ræddar voru hugmyndir að samstarfi við Bíldudalsskóla, en vel reyndist að nýta t.d. saman rútu þegar háskóladagurinn var á Patreksfirði. Ræddar voru hugmyndir um mögulegt samstarf um fagkennara sem koma til að kenna tímabundið.

Brynjólfur Gíslason fyrrv. sveitarstjóri Tálknafjarðarhrepps er væntanlegur þar sem hann mun verða með útiverkefni fyrir mið- og unglíngakjarna. Þar verður unnið frumvinnu og undirbúning plöntunar ávaxtatríja í haust.

Í næstu viku fer fram námsmat.

Skólinn fer bráðum allur saman í vorferð.

Enginn útskrifast úr 10. bekk í ár frá skólanum en sex börn útskrifast úr leikskóla og hefja því nám í 1. bekk í haust.

Tveir starfsmenn skólans hafa sagt upp störfum.

Skólastjóri mun vinna í sumar í Hjallamiðstöð í Reykjavík.

Starfsfólk grunnskóladeildar skráir sig á bakvaktir fyrir leikskólann meðan grunnskóladeild er í sumarfríi.

## 2.4 1708037 - Grunnskóli: Skóladagatal grunnskóla.

### 2.5 1805010 - Bréf: Næstu skref

Sveitarstjórn tekur undir orð formanns Fræðslu-,menningar-,ípróttu-,æskulýðsnefnd. Hjallastefnan hefur verið í samstarfi við Tálknafjarðarhrepp frá hausti 2012. Í upphafi var um þróunarverkefni að ræða þar til að skólinn fengi staðfestingu menntamálaráðuneytis á rekstrarformi. Samstarf Hjallastefnunnar og Tálknafjarðarhrepps var frumraun á landinu er varðar breytingu á rekstrarformi, en ekki hafði áður verið gerður samningur þar sem sveitarfélag felur einkaaðila að annast reksturinn. Frá árinu 2012 hafa orðið miklar breytingar í sveitarfélaginu, íbúum hefur fækkað og börnum í skólanum líka. Fyrir Tálknafjarðarhrepp var það mikils virði að fá tækifæri til að þróa skólann með Hjallastefnunni og vonast sveitarstjórn að um áframhaldandi þróun verði í skólanum sem byggist á þeim gildum og þekkingu sem Hjallastefnan skilur eftir sig í Tálknafirði.

Sveitarstjóri vill sérstaklega þakka Margréti Pálu Ólafsdóttur og starfsfólki Hjallastefnunnar fyrir frábært samstarf á liðnum árum og óskar Hjallastefnunni og Margréti velfarnaðar í framtíðinni.

**3. Hundahald: umsókn - 1805028**

*Umsóknin er samþykkt, og er umsækjandi hvattur til að kynna sér reglur um hundahald í Tálknafirði. Ef um fjölbýlishús er að ræða þarf að liggja fyrir samþykki allra íbúa hússins, að því uppfylltu þá verður leyfið veitt. Samþykkt samhljóða.*

**4. ERASMUS+ : Sveitarfélag í Króatíu óskar eftir samstarfsaðila - 1805025**

*Sveitarstjórn þakkar bréfitara erindið en sér ekki fært að taka þátt í verkefninu, að sinni. Samþykkt samhljóða.*

**5. Brunavarnaáætlun: Boð um aðstoð við gerð hennar - 1805021**

*Sveitarstjóra falið að ræða við bréfitara. Samþykkt samhljóða.*

**6. Hólsá: undirbúningur um virkjun í Hólsá - 1805018**

*Sveitarstjórn samþykkir framlagðan samning við Veðurstofu Íslands og felur sveitarstjóra að undirrita hann. Kostnaður sem fellur til á árinu 2018 rúmast innan fjárfestingaráætlunar í Hitaveitu. Samþykkt samhljóða.*

**7. Vegamál: Ályktun - 1805017**

*Ályktun frá sveitarstjórn Tálknafjarðarhrepps.*

*Ástand á slitlagi þjóðvegur nr 617 frá Keldeyri að Hrauni, gegnum þéttbýli Tálknafjarðarhrepps er algerlega óviðunandi. Á fundi sem fulltrúar Vegagerðarinnar áttu með sveitarstjórn Tálknafjarðar sumarið 2016, kom fram að þjóðvegur 617 væri á áætlun vorið 2018, en fram koma að það ætti að breikka umræddan veg og styrkja. Í dag eru um 5-8 flutningarbílar sem fara um veginn og er vegurinn orðinn hættulegur og hafa orðið skemmdir á fólksbílum sem eru að keyra veginn. Samþykkt samhljóða.*

**8. Til umsagnar: Frá nefndasviði Alþingis - 269. mál - 1805013**

*Engin umsögn send. Samþykkt samhljóða.*

**9. Umsögn: Drög að umsögn Sambands.FW: Skipulag haf og strandsvæðanánari útlistun - 1805012**

Drög að umsögn sem Samband íslenskra sveitarfélaga hefur unnið varðandi frumvarp til laga um haf og strandsvæðaskipulag. Umsögn Sambandsins er miðað við umsögn þegar frumvarpið var flutt á 146. löggjafar, er nú verulega skerpt á þeim atriðum sem varða stjórnslu málaflokksins og nálægðarreglu um töku ákvarðana. Samkvæmt mati Fjórðungssambands Vestfjarða er þrennt sem stendur úp úr: Svæðisráð. Skerpt er á sýn sveitarfélaganna um stækkun lögsögu sveitarfélaga til hafsins.

- Áheyrnarfulltrúar umhverfissamstaka sitji í svæðisráði.
- Fjármögnun. Tryggja verði meira fjármagn til þess að koma

strandsvæðaskipulagsvinnu strax og lögin taka gildi og tryggja fjármögnun til loka. Almennt. Að sveitarfélög hér á Vestfjörðum verði að horfa til þess að standa saman að strandsvæðaskipulagi eins og staðan er nú og sem skipta má upp í þrennt.

Svæði A er nái til skilgreinds fiskeldissvæðis frá Látrabjargi að Geirólfsgrúpi.

Svæði B, Norðanverður Breiðafjörður og þá væntanlega í samstarfi við önnur sveitarfélög við Breiðafjörð.

Svæði C. Geirólfsgrúpur að Ennishálsi og þá væntanlega í samstarfi við önnur sveitarfélög við Húnaflóa.

*Það krafa að sveitarfélög hafi skýran rétt hvað varðar skipulag haf og nýtingu haf- og strandsvæða allt að einni sjómílu frá grunnlínu landhelginar. Sveitarstjórn telur það óviðunandi að fulltrúar ráðuneyta hafi neitunarvald hvað varðar skiplag og nýtingu haf- og strandsvæða..... BÍÐA*

#### **10. Styrkur: 2018 - 1805006**

Sjómannadagsráð þakkar frábæran stuðning undnafarin ár.

Er að velta fyrir mér auglýsingu í dagskrá Sjómannadagsins sem Sjómannadagsráð sendir í öll hús á Vestfjörðum og Snæfellsnesi í aðdraganda Sjómannadagsins. Tálknafjarðarhreppur hefur styrkt okkur um kr. 25.000 undanfarin ár. Sveitarstjóri hefur þegar samþykkt fyrir hönd Tálknafjarðarhrepps að styrkja hátíðina um 25 þús. kr. líkt og verið hefur og rúmast umræddur styrkur fyrir í fjárhagsáætlun 2018.

*Sveitarstjórn samþykkir að greiða styrk að upphæð 25 þús kr. Samþykkt samhljóða.*

#### **11. Byggðakvóti úthlutun: Fyrirspurn til Ásgeirs Jónssonar varðandi úthlutunartillögu byggðakvóta. - 1804045**

*Afgreiðslu frestað.*

#### **12. Styrkur: vegna Tálknafjörðs 2018 - 1804038**

Styrkbeiðnin var tekin fyrir á 522. fundi hreppsnefndar og þar var eftirfarandi bókað. Sveitarstjóra falið að ræða við styrkbeiðendur.

Sveitarstjóri leggur fram minnisbalað þar sem fram kemur samskipti hans vegna Tálknafjörðs. En þar er styrkbeiðendum bent á að það sé skýr vilji sveitarstjórnar að styðja við Tálknafjör.

*Sveitarstjórn samþykkir að styrkja hátíðina um 700 þús. kr. Samþykkt með fjórum atkvæðum, einn situr hjá (ÁJ).*

#### **13. 20 ára afmæli: Heimsóknir í öll sveitafélög - 1804031**

Erindi frá Skákfélaginu Hróknum í tilefni af tuttugu ára afmæli Hróksins Þar er tíundað starf Hróksins og jafnframt óskað eftir styrk.

*Sveitarstjórn samþykkir að gerast brons bakhjarl á árinu 2018 með því að styrkja skákfélagið Hrókinn um 25 þús.kr.*

*Samþykkt samhljóða.*

**14. Endurskoðun : Ársreikningur 2017. Ársreikningur samstæðu Tálknafjarðarhrepps, síðari umræða. - 1805029**

*Haraldur Reynisson endurskoðandi KPMG mætti á fund sveitarstjórnar þann 7 maí sl. og kynnti ársreikning Tálknafjarðarhrepps fyrir sveitarstjórn. Haraldur mun einnig mæta á íbúafund sem verður á morgun og kynna ársreikning fyrir íbúum og svara fyrirspurnum. Ársreikningur Tálknafjarðarhrepps fyrir árið 2017 var tekinn til fyrri umræðu á fundi sveitarstjórnar mánudaginn 7. maí og vísað til seinni umræðu en samkvæmt sveitarstjórnarlögum skal fjalla um ársreikning sveitarfélags á tveimur fundum sveitarstjórnar. Ársreikningurinn hefur að geyma ársreikning fyrir þær rekstrareiningar sem falla undir A hluta starfsemi sveitarfélagsins og samantekinn ársreikning fyrir alla starfsemi þess, það er A og B hluta, sbr. 60. gr laga nr. 138/2011. Í A hluta er öll starfsemi sem að hluta, eða öllu leyti er fjármögnuð með skatttekjum, en auk Aðalsjóðs er um að ræða Eignasjóð og Þjónustumiðstöð. Til B hluta teljast fjárhagslega sjálfstæð fyrirtæki sem að hálfu eða meirihluta eru í eigu sveitarfélagsins, en rekstur þessara fyrirtækja er fjármagnaður með þjónustutekjum. Fyrirtæki sem falla undir B hluta eru Félagslegar íbúðir, Fráveita, Vatnsveita, Hafnarsjóður, Fasteignafélagið 101 Tálknafjörður og Hitaveita. Samkvæmt rekstrarreikningi 2017 námu heildartekjur A hluta 326.131 þús.kr. sbr. við 261.011 þús. kr. árið 2016 í A hluta og er hækkun um 24,5%. Í A og B hluta námu heildartekjur 395.321. þús.kr. sbr. við 296.000 þús.kr. og er hækkun 34,0%. Rekstrargjöld í A hluta eru 283.198 þús. kr. samanborið við 274.192 þús.kr. árið 2016. Hækkun frá fyrra ári nemur 3,0%. Í A og B hluta í 318.824 þús.kr., sbr. við 289.009 þús. kr. Hækkun frá fyrra ári nemur því 10,0%. Fjármagnsgjöld í A hluta voru 12.149 þús.kr sbr. við fjármagnsgjöld að upphæð 12.732 þús. kr. frá fyrra ári. Í A og B hluta er fjármagnskostnaður 23.834 þús. kr. sbr. við 26.384 þús.kr. fyrra ár. Rekstrarniðurstaða ársins er því jákvæð í A hluta að upphæð 19.779 þús. kr.sbr. við neikvæða rekstrarniðurstöðu að fjárhæð 43.706 þús. kr. árið 2016. Í A og B hluta er rekstrarniðurstaða jákvæð að upphæð 32.406 þús. kr. sbr. við neikvæða rekstrarniðurstöðu að fjárhæð 45.176 þús.kr. árið 2016. Sveitarstjórn staðfestir ársreikning Tálknafjarðarhrepps fyrir árið 2017. Samþykkt samhljóða.*

**15. Rennibraut: Tilboð í viðgerð - 1805008**

Lagt er fram tilboð frá Trefjum í viðgerð á vantsrennibraut við sundlaug. Jafnframt er tilboð í endurnýjun á lendingarkari. Viðgerðin á rennibraut rúmast innan viðhaldsáætlunar Eingasjóðs, en endurnýjun á lendingarkari er ný fjárfesting og því þarf sveitarstjórn að taka afstöðu um málið.

*Sveitarstjórn óskar eftir frekari upplýsingum um kröfur sem lendingarlaus þarf að uppfylla og er málinu vísað til fjárhagsáætlunargerðar.*

*Tilboð í viðgerð á rennibraut er samþykkt.*

*Samþykkt samhljóða*

**16. Áningarsvæði: - Keldeyri - 1805011**

Lögð er fram tillöfur að áningarsvæði við Keldeyri. en þar er gert ráð fyrir að upplýsingarskiltiverði. meðfylgjandi eru teikningar frá Landmótun ásamt bréfi sem sent var Vegagerðinni. Jón Örn Pálsson hefur fylgt þessu máli eftir af mikilli röggsemi.

*Jón Örn Pálsson kynnti hugmynd að áningarsvæði sem unnið var í samstarfi við Landmótun. Sveitarstjórn felur Jóni að vinna áfram að málinu og senda erindi inn til Byggingar-, skipulags- og umhverfisnefndar til afgreiðslu. Samþykkt samhljóða.*

**17. Fjárhagsáætlun: 2018: Viðauki I Við fjárhagsáætlun 2018 - 1804047**

*Viðauki 1-3*

*Lagður er fram viðauki að upphæð 42.905.311 þar sem liggur fyrir ný áætlun frá Jöfnunarsjóði sveitarfélaga og því samþykkir sveitarstjórn að hækka skatttekjur um ofangreinda upphæð. Samþykkt samhljóða.*

**18. Fjárhagsáætlun: 2018: Viðauki II viðafjárhagsáætlun 2018. - 1804048**

*Viðauki 2-1 Lagður er fram viðauki vegna sölu á fasteign að upphæð 4.620 þús kr. í Fasteignafélaginu 101 Tálknafjörður ehf. Samþykkt samhljóða.*

**19. Fjárhagsáætlun: 2018. Viðauki III við fjárhagsáætlun 2018. - 1804049**

*Viðauki 2-3*

*Lagður er fram viðauki vegna styrks við Tálknafjör sem samþykktur var á fundi 524 Samþykkt með fjórum atkv, einn situr hjá (Áj)*

**20. Íþróttahús: vegna gjaldskrá á tjaldsvæði - 1804011**

*Tillaga að gjaldskrá er samþykkt með breytingum. Samþykkt samhljóða.*

**21. Beiðni um umsögn: Byggðastofnun umsögn úthlutunar á aflamarki til næstu sex ára. - 1805034**

*Sveitarstjórn gerir ekki athugasemd við framlagðar umsóknir. Samþykkt samhljóða.*

**22. Upplýsingagjöf sveitarstjóra: Fundur 524. - 1805033**

*Sveitarstjóri fór yfir innheimtu á framlögum Jöfnunarsjóðs sveitarfélaga, einnig upplýsti hann sveitarstjórn um að launatölur í bókhaldi væru ekki réttar, þar sem laun í janúar eru tvíþærð. Búið er að auglýsa starf forstöðumanns íþróttamiðstöðvar. Einnig er búið að auglýsa eftir skólastjóra. Einnig var farið yfir stöðu á innheimtumálum. Ekki liggur fyrir kjörskrá vegna komandi sveitarstjórnarkosninga.*

**23. Opinn ársfundur: Orkubús Vestfjarða 15. maí kl. 17 í Félagsheimilinu í Bolungarvík - 1805022**

*Til kynningar*

**24. Byggðastofnun: Ársskýrsla 2017 - 1805020**

Lögð er fram til kynningar Ársskýrsla Byggðastofnunar 2017. Skýrsluna má nálgast á heimasíðu Byggðastofnunar.

Í formála stjórnarformanns kemur m.a eftirfarandi fram.

Góð sátt virðist ríkja í samfélaginu um að æskilegt sé að styðja með uppbyggilegum hætti við byggðaþróun í landinu. Mikilvæg forsenda þeirrar sáttar er að unnið sé með faglegum hætti og að fjármunir séu skynsamlega nýttir. Jafnframt hefur skilningur vaxið á því að þó næg atvinna sé frumforsenda lífvænlegrar byggðar þarf fleira að koma til þegar kemur að ákvörðunum um búsetu. Góðar samgöngur, góðir skólar, afþreying, fasteignaverð og verslun eru dæmi um þætti sem ráða því hvar fjölskyldur velja sér búsetu.

Vert er að geta þess að fasteignamat nýrra 130 fm íbúðar í parhús í Tálknafirði er á 11.400 þús. kr.

*Til kynningar.*

**25. Íbúaskrá: 01.12.2017 - 1805019**

Íbúaskrá frá Þjóðskrá Íslands yfir íbúafjölda í Tálknafjaraðrhrepp frá 1. desember s.l fram kemur að íbúar voru þá 245 og skiptist þannig að karlar eldir en 18 ára voru 118, konur eldir en 18 ára voru 76 og börn yngri en 18 ára voru 51.

*Til kynningar.*

**26. Styrkur: frá jöfnunarsjóði í tengslum við nýja persónuverndarlöggjöf, innleiðing í leikskóla, grunnskóla og frístundastarf sveitarfélaga - 1805004**

Jöfnunarsjóður hefur fallist á styrkbeiðni Sambands Íslenskra sveitarfélaga ásamt Reykjavíkurborg til kaupa á sérfræðiráðgjöf vegn innleiðingar á nýjum persónuverndarlögum í leikskólum, grunnskólum og frístundastarfi sveitarfélaga.

*Til kynningar.*

**27. Ársreikningur: FV fyrir árið 2017. - 1805001**

Ársreikningur Fjórðungssamband Vestfjarða 2017 en þar kemur fram að tekjur voru 280.388 þkr. en rekstrargjöld 280.565. Rekstrarafkoma fyrir afskriftir og fjármagnsliði var neikvæð um 177 þkr en að teknu tilliti til afskrifta, fjármagnsliða er rekstrarafkoma jákvæð um 1.403 þkr.

Eingir Fjórðungssambands Vestfjarða samkvæmt efnahagsreikningi 2017 eru 239.812. þkr. , en skuldir og skuldbindingar 199.181 þkr.Egið fé er 40.631 þkr.

Áætluð lífeyrisskuldbinding Fjórðungssambandsins vegna lífeyrisskuldbindinga B-deildar Lífeyrissjóðs starfsmanna ríkisins er 47.202 þkr og er ekki færð í ársreikninginn.

Ársreikningurinn er undirritaður af stjórn Fjórðungssambandsins og framkvæmdarstjóra.

*Til kynningar.*

**28. Jafnréttisfréttir: frá evrópskum sveitarfélögum - 1805024**

Erindið er frá CEMR , Council of European Municipalities and Regions.

Hér farið yfir fundi CEMR sem var 12-13 apríl í Veliko Tarnovo (Bulgaríu) En fyrir fundinum lá aðgerðaráætlun um innleiðingu jafnréttiaætlunar hjá Evrópskum sveitarfélögum sem verður lögð fyrir ráðstefnu um sama máli sem verður 11-13 júní í Bilbao á Spáni. Einnig er bent á að enn sé opið fyrir skráningu á umrædda ráðstefnu.

*Til kynningar.*

## 29. Fundargerðir og Ársreikningur 2018 - 1802038

Á 117. fundi Heilbrigðiseftirlits Vestfjarða sem var þann 4 maí s.l voru tíu mál á dagskrá þau eru:

1. Starfsskýrsla 2017
2. Eftirlit
3. Skipulagsmál
4. Matvælastofnun
5. Umhverfisstofnun
6. Starfsleyfi
7. Tímabundið starfsleyfi
8. Umsagnir vegna rekstrarleyfa til sýslumanns
9. Umsagnir vegna tækifærisleyfa til sýslumanns
10. Önnur mál

*Til kynningar.*

## 30. Heilbrigðiseftirlit: Starfsskýrsla Heilbrigðiseftirlits Vestfjarða 2017. - 1805030

Starfsskýrslan er kynning á starfsemi heilbrigðiseftirlits en jafnframt samantekt upplýsinga um starfið. Sá háttur verður hafður á í ár að senda starfsskýrslu einungis á rafrænu formi til sveitarfélaga, Umhverfisstofnunar, Matvælastofnunar, Atvinnuvega- og nýsköpunarráðuneytis og Umhverfis- og auðlindarráðuneytis en ef óskað er, er hægt að fá prentuð eintök. Einnig verður skýrslan aðgengileg á heimasíðu eftirlitsins [www.hevf.is](http://www.hevf.is)

*Til kynningar.*

**Fleira ekki gert. Fundi slitið kl. 20:50.**

---

Indriði Indriðason (II)

---

Eva Dögg Jóhannesdóttir (EDJ)

---

Jón Örn Pálsson (JÖP)

---

Ásgeir Jónsson (ÁJ)

---

Berglind Eir Egilsdóttir (BEE)